



委員盤查粵西倉貯檄

康熙三十八年十月

爲實行盤查倉穀之法先申徇庇連坐之科以
杜虧空以釐積弊事照得捐納與均輸直省積
穀皆我

皇上爲民備荒至計凡爲臣子實心奉行雖有荒歲
自無荒民奈虛而爲盈無而爲有遇交盤則囑
勒新員代認初任含冤逢饑饉卽捏報鬼名開
銷餓夫莫訴官民積恨上下相蒙每見 題叅

必發覺於丁憂事故之後襟捉肘露百計彌縫
查歲終例有盤查法至善也久而滋弊比比滔
滔本都院確訪粵省歲盤陋規自一倍增至三
倍專轄官七十二兩該司房經承四十五兩府
房一十六兩驛鹽道房三兩州縣悉取諸倉此
盤查一官眠如猫而經營諸人壯哉鼠鼠猫串
合倉廩喫空方當撫粵之日據該司報明本省
捐輸均貯倉穀共五十八萬三千二百九十餘
石及貯存罰俸米折穀等項大縣貯穀一萬石
中縣貯穀八千石下縣貯穀六千石爲數已滿
自應題請暫停田畝均輸但此項奉有該撫
察明具題之

旨與夫捐納各項保無侵蝕互庇等情城社瞻顧鬼
蜮爲奸前批最悉今詳或令九府正署郡守各
盤察所屬倉貯或令桂郡知府盤察平屬平郡
知府盤察桂屬梧潯等府倣此或兼委見在同

知通判造具職名冊前來除各盤所屬未便餘
照該司所議行爲此牌仰檄行太平府徐知府
盤查桂林府屬九州縣梧州府孫知府盤查平
樂府屬八州縣平樂府焦知府盤查梧州府屬
十州縣潯州府白知府盤查柳州府屬十二州
縣平樂府佟同知盤查潯州府屬三縣潯州府
莊同知盤查太平府屬四州縣梧州府黃通判
盤查南寧府屬六州縣鎮安土府余通判盤查

慶遠府屬五州縣南寧府郭通判盤查思恩府
屬三州縣牌到立即嚴限差役守催各官減從
兼程自備行糧絲毫勿擾務於封印前查盤實
在不欺不詐出具印甘結星馳報核以憑掣查
如或虧空據實另詳小民有目有口蔽不勝蔽
防不勝防傳語委員勿干連坐本都院言在必
行特爲諄切該司差役此去硃限某府某日到
違限回時定行提赴轅門枷責先取去役姓名

并限報查毋違須檄

頒行盤查倉貯冊式

某府

知府某某
同知某某
通判某某

為實行盤查倉穀之法等事遵將

某府所屬某州某縣倉貯穀石逐一盤查明白

所有盤過各項穀石數目理合備開造報施行

須至冊者

計開

某州倉

原貯存捐納捐積均貯穀若干石

前件 如無虧缺即註盤無虧空滯爛
如有虧缺即註內實存若干虧空若干

原貯存士民捐輸穀若干石

前件 登註照前

原貯存罰俸米若干石

前件 登註照前

原貯存罰俸穀若干石

前件 登註照前

飭行會訊派修撫院衙門檄
康熙三十八年十一月

為急修撫院衙門等事照得粵西各州縣每完

糧一兩加均平四五錢不等櫃頭明秤均平之

外又派公務皆民脂也本都院知之最悉所以

修整衙門鋪設等項預行峻禁何意地方官習

慣性成仍行科派民間查董理係婪員署臨桂

縣事太平府通判俞品本都院於十月初三日

詣先師廟講書後文武咸在士庶屬目面詢

前署縣俞通判現署縣陳同知此項出自何人
開銷有無細數陳同知稟不經手俞通判嘿然
低頭延至初五日始呈草冊支飾糊塗急交署
縣銀貳百伍拾兩零署縣不敢收徑繳署府此
十月初七日桂林同知陳張相詳院在案夫以
十月初五日覺發吐出之贓捏八月初一日存
剩申繳之詳該同知度本都院必不可混實指
月日勢非得已爲署府者應查俞倅交盤已經

兩月餘突繳此銀發回詰駁片言立折而潛收
不報觀望寢延本都院乃于十月二十八日傳
集藩臬兩司提學道署桂林府事汪通判署臨
桂縣陳同知城守盧副將撫標左營遊擊劉沛
右營遊擊施定國齊赴本院堂上眼同俞品將
內外鋪設家伙逐一排列自紗幃綢幔緞被紵
縵細氈軟枕而至桌圍椅飾自大堂川堂案裙
座衣宮燈門綵自外案內案錫籤筒錫硃墨硯

而至筆架白花梨鐵力藤床長案八仙桌學士
椅圓椅方杌而至扶手腳橙白斑竹椅桌而至
雜木離竹器具自香几灑屏宣爐而至銅盆錫
器自宮碗湯甌圍碟茶瓷酒鍾而至象箸紫木
箸件件點明着轅門巡捕官高琬偕本標把總
文啓梁有德押夫搬付俞倅本城住家處着照
冊開價值變價給還各州縣里民先取領狀存
案其修理衙署各處本日卽率司道等官進署

處處驗看除灰水紅土油烟灑刷門堂外四面
周圍戶牖俱無垣墻頽壞冊開工料費銀壹百
伍拾玖兩浮冒至此司道公發一歎其文武執
事例應臨桂縣製辦本標左營劉遊擊見小墮
其殼中領銀貳百貳拾伍兩代辦今亦檢點發
還至於裝貯卷箱及紙筆硃墨等項據冊開本
年六月初二日奉本府信牌粘單一紙取卷箱
二十隻用銀壹拾貳兩同日又奉本府信票粘

單一紙取紅帖銀硃筆墨等項用銀貳拾貳兩
捌錢六月初五日又奉本府信牌粘單一紙取
印匣紙帖筆墨等項用銀貳拾陸兩陸錢零以
上計用銀肆拾玖兩肆錢內除卷箱開價壹拾
貳兩印匣開銀肆兩玖錢外院胥等於六月初
二初五等日冒取前項本都院沿途并不曾用
及滴硃點墨片紙該署縣開價至叁拾叁兩肆
錢雖係護院任內事然現今冊報俱載入修理

內除一切鋪設衙料發還外此條特諭各胥具
稟登答毋得支吾隨據稟稱蒙鈞諭敢不遵依
登答明白但查從前伺接新任撫都院應用紙
張筆墨等項俱係護院桂林府取用今頭接二
接循照舊例取用乃該府縣歷來應備之物何
得列入冊內混開價值希旨冒銷伏乞天恩垂
憐苦役俯察舊例等情隨據藩司面折署府此
項從無開除修理衙門項內等語此俞倅水落

石出之大槩也揆此發覺始自吐贓則爲入已
公看盡屬浮冒則爲侵欺浮價全不核實則爲
狗庇發還未聞變價則爲通同藩司以尋常見
慣一手呵護該署府以鄉情寅好一力擔承查
據署府原詳藩司原批皆有不致派累里民不
許派累里民云云今條陳紛紛僉訴均平公務
修理貢院與本院衙門亦其一也在官吏利爲
此舉將有辭於民曰新都院修衙舍飾鋪設治

器用加派且難免其他可知也民爲其愚將曰
新都院尚如此疾首蹙額而莫敢訴必由茲始
亦曾思私派科斂爲本都院今日釐剔第一件
事豈肯聽冥頑官吏糾結串合朦朧壅蔽藉此
粧頭以作口實合行發審仰按察司照依檄內
事理立即會同藩司將俞倅所領私派銀兩修
理衙門鋪設各項浮冒價值及吞騙銀兩發覺
始吐嚴訊追贓確擬解院務須合志虛衷整綱

肅紀所有發回物件會否變價久無申報該司
尅限追完呈驗發府分給各縣取領存案併查
俞倅係奉文陞任之員已經領憑逗遛至今是
何賈戀一一訊供以憑核奪須檄

清查各學暫革衣頂姓名檄

康熙三十八年
臘月

為檄查闔屬申報暫革衣頂姓名事照得人材
藉培植而成學校須作養而重該道任內所有
准過闔省九屬申報暫革文武生員衣頂凡幾
案達 部革去文武生員凡幾人某人因某案
某案因某事或由本學教官申報或由某府州
縣徑詳分別年月日註明事由已復未復已結
未結卽造清冊歲內送閱不待來春開印時也

須檄

熱暑減刑檄

康熙三十九年四月

為熱暑減刑事照得定例自小滿前十日起至
六月終止流徒以下一切刑杖減等發落監倉
惟時掃滌細事卽行釋放所以上順天時下惜
民命仰體我

皇上如天好生之德欽遵通行外合行曉諭為此示
仰撫屬文武官弁知悉恪遵

功令明德慎罰倘敢喜怒任意利欲薰心酷以濟

貪致干天和本都院察訪得實飛章糾劾道府
知而不報卽以縱容徇庇并

叅該道立卽抄發所屬各府州縣取具遵依備案
仍於今夏每月之終出具金無濫刑印結繳報
查核慎之毋忽

農忙停訟檄

康熙三十九年四月

爲農忙停訟事照得 定例自四月初一日起

至七月終止非命盜貪蠹等事不准受理

朝廷所以垂此例者誠恐夏日秋陽多一人在官則
少一人在農羈一時在庭則曠一人在野此一
百二十日內正小民安心樂業務本力田時也
然貪吏刁徒苦於無事而樂於有事數月之久
必難忍耐合行曉諭爲此示仰桂平九府屬民

人等知悉凡戶婚田土鬪毆一切細故已到案者立即省釋未到案者槩免勾提官不得違例擅收民不得逞刁瀆控示到仍取府州縣印官遵依印結報查本都院仍不時訪察違卽題叅各自凜慎須檄

遵 旨澄清計典檄

康熙三十九年十月

爲欽遵

聖旨澄清計典事照得計典之行也大吏必先時申告所屬曰毋聽招搖毋仍科斂而大吏之言先不信於所屬所屬之言又不信於百姓兩不信則掩耳盜鈴割肉醫瘡無所不致其極本都院首述

天語次援天鑒使所屬與百姓信之而已回憶先任

刑垣時康熙三十六年五月十七日方繕疏條
陳未及啟

奏次日見吏部一本爲題明事奉

旨國家舉行大計原期黜幽陟明使大法小廉以爲
又安民生之本所關甚重比年以來督撫等官視
爲具文每將微員細事填註塞責至真正貪酷官
員有害地方者反多瞻徇庇護不行糾參以致吏
治不清民生莫遂重負朕愛養元元至意殊可痛

恨今當舉行大典各督撫等官應洗心滌慮力改
前轍矢公矢慎整肅官方務期薦舉一人俾衆皆
知勸糾劾一人俾衆皆知儆倘仍苟且因循徇私
溺職國法具存必不輕恕欽此欽遵當日黃門省
仰天而嘆曰誠如

聖諭何以疏爲退朝焚稿寸心焚如不意

特簡超擢驟躋巡撫適當 計期此正仰答

皇上察吏安民時也入夏亢旱小民求雨皇皇本都

院日夜告

天以懲貪獎廉爲修省願得年成與民休養天亦哀於
此方民雷雨旣降惟有矢公矢慎黜幽陟明感
格

天心查入境數月紛紛具訴弊害不可勝指卽大計之
年每州縣私派不等剝削彌多逢迎彌巧此事
旣往矣夫咎旣往則爲苛而寬現在則爲縱苛
不忍爲縱不敢爲合行出示與衆通知爲此曉

諭闔省九府屬及土府土司流官等官民知悉
天語煌煌

天鑒昭昭本都院採諸輿論合諸官評斷自真知決
諸灼見務必遵

旨勸儆允協誓不以細事微員真註塞責已與司道
三致意云今設鑼二面懸東西轅門外有沿習
陋規勒索屬吏者許爾各員鳴鑼於東有因仍
舊弊科派斯民者許吾赤子鳴鑼於西本都院

耳尚聰聽目不甚瞇傾耳拭目毋誑毋眩等因
除出示會城曉諭外又爲舉劾原關勸做虛公
再致叮嚀事照得

大計所以察吏吏察則民安吏不察則民不安本都
院已經遵

旨通飭在案隨行司道將所屬官員內有堪卓異者
必實開某官任內實行事蹟衆口共稱衆目共
矚虞書所云亦言其人有德乃言曰載采采蔡

註謂總言其人之有德必言某事某事爲可信
驗也夫八法之處分先貪與酷則卓異之超絕
必廉而慈惟廉慈爲諸善之首斯貪酷乃萬惡
之尤何謂不貪道府以上絕苞苴州縣以下杜
私派是也何謂不酷聽斷之時寓慈祥催科之
日有撫字是也其他不剛不柔必誠必信實心
發爲實政有德卽是有才以開報之公私定心
術之邪正至於微員劣蹟斥逐原在平時以及

儒官老年授職已當遲暮一遵

聖旨毋塞責而填註一廣

皇恩勿殘忍而揭報所有應按八法密揭亦必實開
某官任內妄行惡款衆口共詛衆目共側該司
道黜幽陟明勉循唐虞之法上事

堯舜之君好惡同民勸懲示衆虛則無欲公則無偏
各二千石亦體此意外合再通飭爲此示諭闔
省屬員知悉式鑒丹心咸起明聽等因除出示

會城曉諭并檄行司道外擬合就行爲此檄行
該布政司照依事理卽將發來告示各九十八
道轉發桂平等九府屬及土府土司流官等官
民知悉仍令各具遵由報查毋忽

申明慶

賀禮儀檄

康熙三十九年冬至

爲申明慶

賀大禮用彰瞻仰微誠事照得禮無分於中外誠則敬於拜稽屢飭頓忘幾爲迂濶相沿積久難免參差今與大小屬員申明咸使文武各官知悉維茲棘院恭設

龍亭雞旣鳴矣朝旣盈鵠立恐後夜何其今漏何盡
蠅聲視旦下馬下簷指定毋得僭踰隨步隨趨

出入各遵常度圓門以內不許提燈

御路當中豈容前導升階肅靜屏廝役進門左右止
從人庭燎有光兩行並列燈籠雖亮此地非宜
在

朝未見鋪壇所司先期掃地

龍亭上供龍燭務必煌煌虎拜西顧虎臣須知翼翼

送

駕齊長跪咫尺近

光舉足如有循廝僕外伺班散步趨仍肅

朝回坐乘照前儀注祇遵出院不排執事恪恭猶凜
進院不用鼓吹盡禮匪諛主敬爲大若於本都
院出入候揖實貽弗安乃爾該文武禮義如遺
加以匪分當茲天心來復亟改前非行見君子
道亨請自今始

歲終彙查未完案件檄

康熙三十九年十二月

爲歲終遵例彙查未完案件事查自康熙三十

八年九月十七日本都院蒞任後一切 欽部

案件羽檄星催其不至違限者幾希若本都院

案件一經批發任憑行提如石投水沉不可問

矣今以三十八年計之閱盡三十九年則逾兩

歲矣以三十九年計之轉瞬四十年則距三歲

矣尚有康熙三十一二三四五六七等年與三

十八年九月以前未結未完若罔聞知本都院
卽代受過各屬獨無愧於心乎查定例內載

欽部事件以文到之日爲始限四個月具題違
限月日俱湍責督撫計月處分不許分坐道府
州縣等官如有等候提拏犯証或因隔省行查
限內實難完結者承問官將此情由申詳督撫
題明展限如承問官將無可等候提拏犯証易結
之事遲延不結或將難結情由不預行申詳督

撫將承問官逾限不及一月并一月以上者罰

俸有差督撫仍計月處分此 欽部案件違限

現行之定例也再查定例內載督撫批審事件

限一個月審明詳報若案內提人再限一個月

審明詳報速結俟年終該督撫將該府州縣審

結事件查明若有遲延隱漏情弊借端逾限者

卽將該官職名開明 題叅交與該部議處督

撫不行查叅別有發覺將督撫亦行議處其按

察司親理事件限一月內完結如有遲延限內不行審結以致拖累犯人者該督撫卽行查叅交該部議處如該督撫徇情不行題叅或被科道糾叅將督撫亦交與該部議處此督撫批審案件按司親理案件違限現行之定例也本都院若以定例論人人叅罰均不免若不以定例論件件歸結杳無期當茲歲終合行檄飭爲此牌仰該司道府官吏照依事理卽將發來冊式

查照本都院任內批發各詞狀已完未完已結未結挨次年月日如式備造清冊其前任撫都院任內未完結案件一併另造俱限開印前二日呈繳查奪此檄去後仍同投石則遵例 題叅於本都院何尤所頒冊式務須謄寫端正登註分明其有歪斜朦混草率疎畧心術人品官方卽此槩見矣至於抗玩習慣疲軟性成漫不造報定發承差立提經承正鎖解轅門重處枷

號兩箇月示衆咸聽棒喝開歲望更新也檄

申飭塘汛檄

康熙三十九年十二月

爲申飭塘汛循名責實頒行格式註冊繪圖事
照得水陸設塘設一塘必有一塘之用疆理分
汛分一汛卽貽一汛以安緬惟

院欽承

朝廷養兵實爲地方弭盜建威銷萌賴有此耳本都
特簡巡撫粵西奉有副將以下皆聽節制所屬漢土
官兵亦聽節制之

救一切機宜得與

制府
提鎮

商畧計議經年以來每月密

查塘汛空虛獠竊發撥兵甚至隕命商旅亦有吞聲事情雖得耳聞形勢未能目擊今擬圖

繪水陸冊註疆理不踰方幅指掌列省爲此檄

行該

參將
副將
守備

遵依事理照發寬長四面圖式速將

兼轄耑轄地方自府至某縣若干里某縣至某縣若干里某縣至某州若干里某州至某縣若干里某弁分防某堡某汛與某州縣遠近日兵

若干名某日分汛某險隘關口係某汛弁管轄戰守兵若干名某水路設塘幾處係何塘名某塘塘兵幾名塘船幾隻有無哨船某陸路設塘幾處係何塘名某塘塘兵幾名瞭樓幾座有無塘房卽于圖內細註明白繪水用綠色繪陸用黃色照正東正西正南正北東南西南東北西北四至八面騰註冊邊至於某地係獠獠出沒處所某地係獠獠附近處所某地常有匪類某

地屢有奸徒以及鄰封接壤外省交界圖內一併細註另頒條目凡例冊式照寫篇首務遵定格毋長短寬狹毋錯漏草率卽以此覘該參將副將守備留心地方之大槩限開印前後呈繳須檄計發四面圖式一紙凡例條目一紙仍繳

牌行

桂林城守副將 左江鎮標南寧城守營守備

平樂城守副將 富賀營守備 梧州城守副將

潯州城守副將 思恩城守副將 鎮安營守備

上林營守備 柳慶城守副將 全州城守參將

鬱林城守參將 永寧城守參將 新太營守備

龍憑營守備 上思營守備 馘毒營守備

泗城城守副將 三里營守備 河池營參將

田



